

**36. fundur Velferðar- og mannréttindaráðs, haldinn í fundarherbergi 3. hæð,
Stillholti 16-18,
6. apríl 2016 og hófst hann kl. 17:30**

Fundinn sátu:

Vilborg Þ. Guðbjartsdóttir formaður, Einar Brandsson varaformaður, Ingibjörg Pálmadóttir aðalmaður, Gunnhildur Björnsdóttir áheyrnarfulltrúi og Jón Hrói Finnsson sviðsstjóri velferðar- og mannréttindasviðs.

Fundargerð ritaði: Jón Hrói Finnsson, sviðsstjóri velferðar- og mannréttindasviðs.

Fyrir tekið:

1. 1410137 - Mannréttindastefna - samráðshópar

Umræður um umsagnir um fyrirhugaða stofnun samráðshóp í málefnum íbúa af erlendum uppruna.

Ákveðið að halda fund með umsagnaraðilum um hugmyndir um samráðshóp í málefnum innflytjenda miðvikudaginn 13. apríl 2016 kl. 17 og boða umsagnaraðila um samráðshóp um málefni fatlaðra á fund ráðsins þann 20. apríl kl. 17. Haft verður samráð við stjórn FEBAN um fundartíma vegna samráðshóps um málefni aldraðra.

2. 1603057 - Starfshópur um byggingu búsetukjarna fyrir fatlað fólk á Akranesi

Á fundi sínum þann 10. mars s.l. samþykkti bæjarráð að skipa starfshóp um byggingu starfshóp um byggingu búsetukjarna fyrir fatlað fólk á Akranesi og fyrirbyggjandi erindisbréf hópsins. Umræður um tillögur að fulltrúum í starfshópinn.

Velferðar- og mannréttindaráð leggur til að starfshópurinn verði skipaður eftirfarandi fulltrúum:

*Einar Brandsson, formaður
Vilborg Þórunn Guðbjartsdóttir
Ingibjörg Pálmadóttir
Gunnhildur Björnsdóttir*

Starfshópurinn myndi kalla til starfsmenn og utanaðkomandi sérfræðinga eftir þörfum. Ákvörðun um skipan hópsins er vísað til bæjarráðs.

3. 1603140 - Klúbburinn Geysir - umsókn um styrk 2016

Í bréfi frá 22. mars 2016 óskar Klúbburinn Geysir, sem rekur endurhæfingarúrræði fyrir geðsjúka, eftir rekstrarstyrk frá Akraneskaupstað að fjárhæð kr. 100.000.

Velferðar- og mannréttindaráð tekur jákvætt í erindið, en vísar því til bæjarráðs.

4. 1510080 - Jafnréttisáætlun Akraneskaupstaðar

Á 26. fundi Velferðar- og mannréttindaráðs var fjallað um áætlun Akraneskaupstaðar um aðgerðir í jafnréttismálum. Borist hafa athugasemdir Jafnréttissofu við áætlunina og ábendingar um æskilegar breytingar á orðalagi 2. kafla mannréttindastefnu Akraneskaupstaðar, sem liggur henni til grundvallar. Lagðar fram tillögur að breytingum á skjölunum, samkvæmt ábendingum

VG

Jafnréttisstofu.

Velferðar- og mannréttindaráð samþykkir fyrir sitt leyti framlagðar tillögur að breytingum á 2. kafla Mannréttindastefnu Akraneskaupstaðar sem fjallar um jafnrétti kynjanna og Áætlun Akraneskaupstaðar um aðgerðir í jafnréttismálum 2015-2017.

Afgreiðslunni er vísað til staðfestingar bæjarstjórnar.

Fleira ekki gert, fundi slitið kl. 19:00.

Vilborg P. Guðbjörtsdóttir
Einar Þ. Björnsson

Guðmundur
Fugljón Pálsson